



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XII. Gregorii Papae I. Ad Respectam Abbatissam Massiliensem.
Praeceptum de priuilegiis eius monasterio concessis.

urn:nbn:de:hbz:466:1-15221

EPISTOLA XI.

GREGORII PAPÆ I.

AD R VF IN V M EPISCOPVM EPHESI.

Commendat clericum quemdam literas nescientem.

Gregorius Rufino episcopo Ephesi.

AMICITIARVM vestrarum antiqua nos caritas monuit fraternitatem vestram scriptis præsentibus visitare. Magno etenim sumus gaudio releuati, quod de vestra salutis indicio prospera cuncta cognouimus; sed in his omnipotentem Dominum deprecamur, ut sicut nos in præsenti vita, qua quodammmodo vmbra futuræ est, de transitoria præstigit corporis in columitate gaudere, ita in illa cælesti patria, in qua vita vera est, de perfecta animæ salute gratali, communique faciat exultatione gaudere. Harum itaque lator nostris se apud vos desiderans epistolis commendari, a nobis inquisitus vtrum sicut decet clericum, literas didicisset, eas se ignorare respondit. Quid ergo commendationis de eo apud fraternitatem vestram amplius agamus ignoro, nisi vt de eius anima debeatis esse solliciti, ac circa eum pastorali inuigilare custodia, vt qui ne scit legere, lingua vestra illi sit codex, vt in bono prædicationis vestra vel operis quod imitetur aspiciat. Solet enim plerumque strictius cor viua vox trahere quam lectio dicta per transitum. Sed dum hæc ei interius spiritalis a vobis magisterii doctrina tribuetur, exterior quoque sollicitudo non desit, vt eius adiumento ad spiritalia appetenda perueniat. Transitoria quoque percipiat; ne si hoc despicitur, desit cui prædicatio ministretur.

EPISTOLA XII.

GREGORII PAPÆ I.

AD RESPECTAM ABBATISSAM MASSILIENSEM.

Præceptum de priuilegiis eius monasterio concessis.

Gregorius Respectæ abbatisse de Galliis Massiliæ.

P1Æ postulatio voluntatis effectu debet prosequente compleri; quatenus & devotionis sinceritas laudabiliter enitescat, & vtilitas postulata vires indubitanter assu-

mat. Proinde monasterio, quod in honorem sancti Cassiani est consecratum, in quo praesesse dignosceris, iuxta petitionem filiorum nostrorum Dynamii atque Aureliani, qui id religiosa deuotione domui sui iuris iniunctis vniuersitate adificiis cōprobantur, hæc priuilegia præuidimus indulgeri. Constituentes ut obeunte antedicti monasterii abbatissa, non extranea, sed quam congregatio sibi de suis elegerit, ordinetur: quam tamen, si digna huic ministerio iudicata fuerit, eiusdem loci episcopus ordinet. In rebus autem, vel in dispositione monasterii eiusdem, nec episcopum, nec ecclesiasticorum quemquam aliquam habere decernimus potestatem; sed hæc ad sollicitudinistuæ, vel quæ post te in eodem loco fuerit abbatissa, curam statuimus per omnia pertinere. Die siquidem natalis vel dedicationis supradicti monasterii episcopo illic Missarum sacra conueniat solennia celebrare. A quo tamen ita est hoc officium exoluendum, ut cathedra eius nisi prædictis diebus, dum illic Missarum solennia celebrat, non ponatur. Quo discedente, similiter etiam cathedra illius de eodem oratorio auferatur. Ceteris vero diebus per presbyterum, qui ab eodem episcopo fuerit deputatus, Missarum officia peragantur. Præterea erga vitam actusque ancillarum Dei, siue abbatis, quæ in suprascripto fuerit monasterio constituta, episcopo secundum Dei timorem sollicitudinem statuimus adhibere; ut si aliquam de illic habitantibus exigente culpa oportuerit vltioni submitte, ipse iuxta facrorum Canonum vigorem modis omnibus debeat vindicare. His ergo a nobis statutis atque concessis, ita te in congregationis tuæ dispositione custodiam stude sollicitiorem enixius in omnibus exhibere, ut iniqui hostis malitia nihil ibi quod maculari possit inueniat. Hæc igitur omnia, quæ huius pagina præceptionis amplectitur, monasterio tuo in omnibus & ab omnibus in perpetuum seruari Christo protegente censemus, quatenus indultorum priuilegiorum beneficia in sua semper inuiolabiliter firmitate permaneant.